



Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimyim@gmail.com

TAPAK 7

Yangia anidakangma : f Tir Yimyim

Instagram tir_yimyim



tir yimyim

TAPAK 3

**South Africa nung migrant
tem anema longkak ait**

**General Dhiraj Seth-i Army
Chief mapa agizükogo**



VOL. XXIII ISSUE NO. 258 (ADOK 258) DIMAPUR RASEMNÜ (WEDNESDAY) CHITENI (JULY) 01, 2026

₹ 5.00

Juy 1 nungi 4 tashi tsüingsang majungtsü: NSDMA

Dimapur, June 30, 2026 (TYO): Nagaland nung July 1 nungi 4 tashi tsüingsang majungtsü aser district aika nung tzunglu arutsü ta Nagaland State Disaster Management Authority (NSDMA), Home Department-i metetdaksüogo.

July 1, 2026 nü Chümoukedima, Kohima, Longleng, Meluri, Mokokchung, Mon, Peren, Tseminyu, Tuensang, Zunheboto, Dimapur, Noklak, aser Wokha nung tzunglu arutsü ta NSDMA-i ashi.

July 2, 2026 nü Longleng, Mokokchung, Mon, Peren, Tseminyu, Tuensang, aser Zunheboto district tem nung tsüingmok atena tzunglu arutsü. Maneni, Dimapur, Niuland, aser Wokha nunga tesem kar nung tzunglu terara arutsü.

July 3, 2026 nü Kiphire, Longleng, Meluri, Mon, Noklak,

Tseminyu, Wokha, aser Zunheboto district tem nung tsüingmok atentsü aser tsüingi aitsü. Külen, Kohima, Mokokchung, Peren, Phek, Shamator, aser Tuensang nung tzunglu terara arutsü ta NSDMA-i metetdaksüogo.

July 4, 2026 nü Kohima, Meluri, Mokokchung, Mon, Niuland, Noklak, Peren, Phek, Tseminyu, Tuensang, aser Zunheboto district tem nung tsüingmok atentsü aser tsüingi aitsü. Kasa anogo Chümoukedima, Kiphire, aser Longleng district tem nung tzunglu arutsü.

Sensotemi tsüingsang majungdang kanga kümdanga alitsü aser NSDMA Weather website aser SAFER Nagaland App ajanga official weather forecasts aser advisories meteta alitsüla ta NSDMA-isa metetdaksüogo.

TaFMA-i Royal Welsh College of Music & Drama den tenangzüktep agi



Tetso College semdangdang Brian Weir aser Theja Meru na den tangartem külemi agiba noksa ka angur.

Kohima, June 30, 2026 (TYO): Task Force for Music & Arts (TaFMA)-i Royal Welsh College of Music & Drama den tenangzüktep ka agiogo aser iba ya music education, artistic development aser cultural exchange akangshitsü atema lir.

Royal Welsh College of Music & Drama nung Dean of Students Brian Weir-i June 17 nungi 21 tashi Nagaland semdangdang iba tesentaktep ya yanglua liasü. Brian Weir-i reju ana tsüingda mapang talangka atema amalitepa aotsü aser maongkatem bushitsü atema Nagaland semdanga liasü.

Iba mapang Weir-i Nagaland nung music fraternity den ajurutepa sensaksem aser TaFMA Headquarters, Music Academy Kohima, Nagaland College of Music and Fine Arts, Margaret Shishak School of

Music, aser Tetso College semdanga liasü.

Weir-isa Kohima Orphanage and Destitute Home (KODH) nung Sunshine Orchestra Nagaland Chapter semdang aser idakji music education aser community engagement ajanga lanurtem sempet anitetba aser arts ajanga maongkatem agütsüba angu.

Paisa World Music Day benjungmung nung shilem agi aser Nagaland artist balalai shilem agiba ajangshia liasü.

Iba tesentaktep ajanga Royal Welsh College of Music & Drama aser Nagaland nung music & cultural rejutem tsüingda tesentaktep akangshitsü ta TaFMA-i metetdaksüogo.

Iba tesentaktep ajanga innovation, learning, aser global connections lenmangtem lapoktsü ta parnokisa ashi.

Iba konang ya Naga nunger aküm nung anguba lir: Padma Shri Guru Sangyusang Pongener



Ungma yimdeni Ungma süngküm nung Padma Shri Guru Sangyusang Pongener nem aküm tetushi agüja agizükba mapang tangokba noksa nung angur. Ungma yim, 30th June, 2026

Ungma yim, 30th June (TYO): 'Padma Shri Award' ya kü kijai masü, ibai Ungma, Ao kin aser Naga nunger rangben aküm nung anguba konang senpet ka lir, anungji, iba maparen dak sentakba nung amalitepa yariteper ajak dang onsara pelar aser ano Ungma aser Ao lima nungi iba ama konang agizüker jenti adoktsü moatsür.

Iba o ya 30th June, 2026 nü Padma Shri Guru Sangyusang Pongener-i pa Rashtrapati Bhavan, New Delhi nungi Award agizüker meyipa kidangi shilangba den repa tenüingsang agütsüba sentong ka Soyim Aonglenden, Ungma nung ayongzüka akadang metetdaksü.

India sarkar, India tir, Droupadi Murmu aser India Prime Minister Narendra Modi parnoki yimli tulu agütsüba den state government Chief Secretary-i anir Director Art & Culture Department, NEZCC, Mokokchung DC, District Art & Culture, Ao Senden, Ungma council aser kija aser lokti shirnokisa iba dak sentakba maparen nung yaritepogo, parnok ajak Guru Sangyu-i pelaba metetdaksü. Iba Award ya angutsüsa pa temeim kinungtsü den chimurtemi tangita yariba asoshia paisa pelaba shisem.

"Iba sempet ya Ungma aser Ao lima nungi ainshia maotsüsa ano lanu asenor sempet aketer jenti adoktsü moatsür", ta pai moaja metetdaksü.

'Iba senpet anguba ya kü kija aser Ungma yim kisüing atema masü, ibai Ao kin rangben konang

lir', ta paisa shisem.

Paisa tarutsü nung inyaka aotsü olen kar lemsatepdang, tia junga sarkar nungi teyari kar ngutetra, iba jagi kakat riju (academy) kar lapoka asen Aor takar sobaliba aser kenshioshi wazüka ayutsü asoshi lanurtem anitena itemji sayutsü nükjiding lir, anungji, pa aser par kibong asoshi maneni sarasademtsütsü paisa mepishia metetdaksü. Pa Delhi nung alidang aser Delhi nungi Dimapur aser yimdaki meyipa arudang lenmang nung pa nem tetushi agütsür kija/telok ajak dang pelaba paisa metetdaksü.

Padma Shri Guru Sangyusang ya lanuwa nungi sobaliba kentenmenü aser otsüolem angazüksü tejangra ka liasü. Pai itemji otsüla, oboula aser par tsürabur nungi angazük. Naga Wadir Welfare Cultural Club ya parnoki anir tenzük aser tanü tashi iba club taküm lir, iba club tentetba ajanga kenshioshir aika adokogo, aser item rongnung Guru nüngja angurtema densema lir. Pa ya 23rd March, 1945 nung aso. Tanü tashi liyonga arudang, pai lanur meyi ana dak tali Aor sobaliba kentenmenü tsütsü sayua anitetogo. Pai mejemba ken aser yartsüingsangtem Nagaland, National aser International sabang balala nung igo.

Tang tashi nung pai konang aser tetushi agizükbatem - Sangeet Natak Akademi National Award 2002, IGNOU New Delhi den yaritepa NEZCC-i 2012 nung Guru nüngja agütsü, Governor's Award 2017 aser

2024 nungi Ministry of Culture, GoI Guru Shishyas Parampara kübok tanurtem sayutsü atema KALA-DEEKSHA training sentong ka tenzüka odor, aser mapang balala nung telok balalai pa mapa dak alang tetushi agüja kulikaket balala senpetja lir aser tang India sarkari konang tulu aketba Padma Shri Award ya 26th January, 2026 nü senpettsü.

Tanü Padma Shri & Guru Sangyusang taso yimi shilangdang Ungma yimden yimsüsüri anir Ungma Watsü Telen aser Soyim Shisaluyimer Telongjem-i Ungma süngküm nung ata-a lir pa nem tapet tetushi agüja tobur junga agizüka liasü.

Iba sentong nung Mokokchung DC, Ungma Council, Art & Culture Dept, Ao Senden, Naga Wadir aser Pongen Kidong Ungma nungi meyangertemi mapang tatsütsü agia jembi.

Guru Limayanger Tatar iba sentong nung menden liasü aser Lipokzülu Tatar-i tepela o lemsatep. Iba sentong UBC Assoc. Pastor (W) Rev. Talijungla den temoatsü meshia sarasademer tenzük aser UBC Pastor, Rev. Wati den tenüingsang agüja sarasademer sentong tembang. Watemdong Cultural Club-i sobaliba ken ka ajanga shilem agi.

NLA Speaker Sharingain Longkumer-i Padma Shri Sangyu dangi züluba chitti ka telok dang zünga metetdaksü. Sentong nung adener tongtibang nisung aika rongnung Padma Shri T. Senka Ao densema liasü.

ANCSU-i KSC Girls' Hostel Project atema lungkak aittsü aliba thinener

Dimapur, June 30, 2026 (TYO): Kohima Science College (Autonomous), Jotsoma nung 100-bedded Girls' Hostel mapang talangka meyangluba atema All Nagaland College Students' Union (ANCSU)-i lungkak aittsü aliba thinenogo.

ANCSU-i June 19 nü state ajungalen Black Friday Protest takok ngua agiba aser kaketshirtemi ozüingi melaba ama rongshia aruba ajanga iba hostel project shia aruogo ta ANCSU

President Kivika Yeptho aser General Secretary Sotilo Tep nati tanü sangdong ka nung ashi.

Sorkari iba mapatong atema Corporate Social Responsibility (CSR) funds ayutsü, bangdakpur nem fresh proposal ka agütsütsü aser mapa tenzüktsü atema nüngdakba administrative procedures inyaksü ta Directorate of Higher Education-i ANCSU dangi shidi ka zülüogo.

Maneni, Investment and Development Authority of

Nagaland (IDAN)-ia June 29, 2026 nü Directorate of Higher Education aser Project Implementation Committee (PIC) dangi shidi ka zülüogo aser iba nung CSR allocation sasep nung bangdakpurtemi Detailed Project Report (DPR) ka renemtsü aser mapa tenzüktsü atema shia liasü ta ANCSU-isa metetdaksü.

Nagaland nung kaketshirtem külemi longiemer inyakba ajanga iba jenjang tongtetogo ta ANCSU-isa pelaba metetdaksüogo.

Mokokchung nung "World No Drug Day 2026" sentong tulu ka ayonga amung



Mokokchung DC, Ajit Kumar Verma IAS-i "World No Drug Day 2026" nüngtem ayongba youth awareness rally flag-off sütsüba mapang tangokba noksa nung angur.

(Mokokchung, 30th June, 2026)

Mokokchung, 30th June

(TYO): "World No Drug Day 2026" nüngtem nung June 30, 2026 nü Mokokchung nung youth awareness rally sentong tulu ka ayongzüka mungogo. Iba sentong ya "Drugs Abuse Prevention & Value-based Living" omen dak rangloker Brahma Kumaris kübok tentetba Rajyoga Education & Research Foundation (RERF)-i 12 Assam Rifles pur den yaritepa ayongzüük.

Iba sentong Assam Rifles pur indang Hentry Hall nung agi aser sentong nung Mokokchung district administration, police, Watsü Mungdang, Ao Kaketshir Mungdang (AKM), Assam Rifles Jawan-tem, Mokokchung nung lokti tentet balala den school balala nungi kaketshirtem arua shilem agia aden.

Tongti tesemdanger Mokokchung Deputy Commissioner, Ajit Kumar Verma, IAS-i jembidang, Nagaland sarkari mozülartem

anepalutsü atema centre balala tenteta anepalur aser counseling service dena agütsür. Saka tang tashi nung sarkari lapokba (Govt. funded) rehab centre mali, anungji, iba nüngdakji agütsütet nungbo item nüburtem asoshi tajangzüük tulu asütsü, ta ashi.

Iba ya nüburtem kümdangba sentong ka dang masü saka asenok taküm koda liyonga aor, liyonga aotsü atema nükjidong kechi asütsüla, takok angutsü asoshi kechi asamayanger, ta asübatemji kanga tongtibang lir, ta pai ashi. Paisa iba dak sentakba nung ashidang, 'iba wadang ya nisung ka kija mesüra telok ka kisüng tebilemstü masü saka ibai arok khuret lir, anungji, kibong aser kaketrijutem nungi tenzüka lokti ajaki pei shilem angatetdaksünür', ta paisa mepishia metetdaksü.

Iba sentong nung tongti o jembir Dr. Swapan Gupta Senior Neurologist & Narcotics Specialist-i New Delhi nungi

video conference ajanga "drug abuse prevention and value-based living" onük nung ajemdaker tensa den apertongtibang onük aika bener arua tesentepertem ayongzüük. Iba sentong nung 12 Assam Rifles Second-in-Command, Lt. Col. Surender Singh-ia tayongzüükba o kar lemsatep. Bramah Kumaris Kohima nung Director, Sister Rupa-i 'Bramah Kumaris & Rajyoga Education & Research Foundation' indang olen kar lemsatep. Assam Rifles school tanurtemi anogomung dak apertongtibang ayongzüük. Tesentepertem mozü anema tenangzüükba ka agia liasü.

Sentong temer külen Assam Rifles groud nungi Mokokchung Police Point (City Square) tashi "World No Drug Day" indang nissan bener kaket tilala nung ozülu balala bener yimdong süa jaja.

15th Finance Commission Grants indang orientation sentong agi

Dimapur, Aami/June 30 (TYO): 15th Finance Commission Health Grants Components tajungtiba nung mapa kuma inyaksü atema orientation sentong ka Directorate of Municipal Affairs in collaboration with the National Health Mission (NHM), Nagaland ajanga De Oriental Grand, Bayavü, Kohima nung June 30, 2026 nü ayongzüka liasü.

Iba sentong tenzüka Joint Director, Directorate of Municipal Affairs and Nodal Officer, 15th Finance Commission (Urban), Wachusie Katiry-i pela agizükba o jembir.

Director, Municipal Affairs, Temjenrenla Kechü-i iba sentong ayongzüükba nükjidong lemsatepdang, 15th Finance Commission Health Grant aser iba sentong indang nükjidong rateta ashi. Tang aliba health infrastructure den külemi local bodies ajanga urban aser rural areas nung basic healthcare services tashi itshitsü atema Government of India-i iba grant ya agütsür, ta lai ashi.

COVID-19 pandemic healthcare delivery nung tapok alibatem temai adoktsüba sülen iba scheme ya yanglu, ta ashi. Mozüki tem sünga nisung adenshiba aser mozüki nung aliba nübu aser osettsüset ajak alakyia amshiba jangjateta kiyong sasap nung healthcare aser basic diagnostic services agütsütsü atema Government of India-i Urban Health and

Wellness Centres (UHCs) tenzüük.

Iba grant ya Departments of Rural Development, Municipal Affairs, and Health & Family Welfare ajanga amshir, ta Kechü-i ashi. Municipal Affairs Department kübok senotsü ya UHCs tasen yanglutsü, tang aliba facilities tajungba akumtsü mesüra ali malidak taa agütsür ki amshitsü atema agütsür. Tamsüa aliba centre shia nem ki o jen yanglutsü asoshi khen atema sen 25 lakh agütsür aser computer aser internet facilities atema sen 3 lakh agütsür.

Government of Nagaland-i iba scheme ya Sub-Centres aser Primary Health Centres ama tang aliba health units den ka kuma lungjemdaksü aser taküm health centres talila trok yanglutsü sentong lir, ta lai ashi.

Medical Officers aser Urban Local Body ketdangsür nem iba scheme indang junga angatetdaksütsü mechi iba sentong ya ayongzüük, ta metetdaksü.

Iba sentong nung Managing Director, Naga Hospital Authority Kohima, Dr. Imotemsu-i Universal Health Coverage (UHC) indang rateta ashi aser ibai senotsü tebilemstü makai nisung ajak nem health services tajung agütsütsü asoshi lir ta ashi.

UHC yagi health promotion aser tashidak nungi jenbua aliba nungi temang anepaluba, rehabilitation aser palliative care tashi ayimjemer, ta pai ashi.

UHC ya tongtipang tongshi asem nung yangerba lir - nisung ajak nem healthcare service agütsütsü, healthcare tajung, aser temang anepaluba nung meimlai pei pocket nungi sen aika indokba nungi kumzüka ayuba - ta pai ashi.

Healthcare nung sen jenti indokba mechi alima nung nisung 2.1 billion shi senotsü agi tim atemer aser yangji 1.6 billion shi makamait jenjangi yoker aser 4.6 billion tang tashi tongtipang health services ajunga mawajemteti lir, ta Dr. Imotemsu-i ashi.

Pai India nung Ayushman Bharat, Health and Wellness Centres, digital health records, telemedicine aser immunization ama sentong balala ajanga terenlok aliba indang rateta ashi aser healthcare infrastructure, nübu agi anüngba, senotsü tali indokba aser urban-rural tepila nung tebilemstü lir ta ashi.

Technical session tem ya 15th Finance Commission Health Grants kübok 'non-recurring and recurring cost components' kübok agia liasü aser iba sülen Joint Director, Municipal Affairs & Nodal Officer, 15th FC Grant (Urban), Wachusie Katiry ajanga polyclinic services indang session ka agia liasü.

Iba sentong nung shisalen sayur ya Deputy Director, National Health Mission Nagaland, D&FW, Dr. Thomas Keppen aser Joint Director, H&FW, Dr. Manyau Phom liasü.

Directorate of E&S nung National Statistics Day 2026 amung

Dimapur, Aami/June 30 (TYO): Directorate of Economics and Statistics, Nagaland ajanga June 29, 2026 nü Directorate nung "Unlocking the Potential of Administrative Data" omen kübok 20 buba National Statistics Day munga liasü.

National Statistics Day ya küm shia June 29 nü Professor Prasanta Chandra Mahalanobis asoba bilemteta amunger, shiba statistician nübu tejangja aser India indang modern statistical system yanglusan liasü.

Director, Economics & Statistics, Neidilhou Keditsü-i omen nung ajemdaker jembidang, Ministry of Statistics and Programme Implementation (MoSPI) ajanga four-stage consultative process ka tenzüko aser itemji National agenda-setting, National Level Consultative Workshop, State Level Internal Workshop aser National Deliberative Summit alitsü, koba State level nung

administrative datasets ajungtsü asoshi inyaktetsüsa roadmap yanglutsüsa yangertsü aser data machine züngtetsüsa tesem balala nungi amshitetsü aser AI amshitetsüsa yanglutsü mangdang nung lir, ta ashi.

Iba mangdang tongtetsü atema mezüng mera ama Directorate of Economics and Statistics-i National Metadata Structure 2.0 den lirumedema Metadata adoktsü asoshi renem tenzüko, ta pai ashi.

Pai ketdangsür aser staff tem dang statistical data mapang shidak nung tajung agütsütetsüsa bendanga agütsür inyaksü ajungshia liasü.

Iba anogomung nung shilem ka ama District Economics & Statistics Office (DESO), Wokha-i February 5-20, 2026 anogotem Special Drive on Online Registration of Births and Deaths mapang alakteta shilem agiba temaitsü Best Performing District Office sempet agüja liasü.

Kohima nung DLMCP-i consumer awareness sentong ayongzüük



Kohima, Aami/June 30 (TYO): Mongulbarnü Department of Legal Metrology & Consumer Protection (DLMCP) Kohima ajanga Don Bosco School, Kohima nung "Safe Products, Confident Consumer" omen nung ajemdaker consumer awareness sentong ka ayongzüka liasü.

Additional Controller & HoD, Legal Metrology & Consumer Protection, Nagaland, Limatoshi Jamir-i iba sentong nung kaketshirtem den jembidang, tejangja consumer ka-ka asütsü ayongzüka liasü.

Yimdak yimtsüngtem nung tejangja consumer angutsü kanga tasak lir, anungji parnok tejangja consumer kumdaksütsü asoshi yaritsü tongtipang lir, ta pai ashi.

Osettsüset aser services agütsür temi kechi südir süaka sangdongtsüba aika lir, ta pai ashi aser consumers tem dang oset malidang oset indang quality aser standards reprangtsü ayongzüka liasü.

Consumer ajunga tekum dang akum dang ajak shidak akumtsü, anungji kaketshir temi pei temeden meteta alitsüla, ta pai ashi.

"Nai kechi shidak aser kechi tai, aji meteta alitsüla. Na asoshi kechi tajungtiba, aji nüsasa bushitetang," ta pai ashi aser kaketshirtem dang shisa taka consumer asütsü ayongzüka liasü.

Shisalen sayur Sunjib Rana, Advocate & Retainer Lawyer, Kohima District Legal Services

Authority ajanga jembidang, consumer temi Consumer Protection Act 2019 kanga junga meteta alitsü nüngdakba ashi, koba ajanga consumer nem tashi agütsür aser pei temeden wazüka ayuba nung yarir.

Products tamajung malitsü mechi nüburtemi teti osang tejangja meshitsüla, aser aji pei temeden lir, ta pai ashi.

Pai kaketshirtem dang osang meteta alotsü aser metokmeperi alidang teyari bushitsü ayongzüka liasü.

Shiekhoso, Assistant Controller, Legal Metrology & Consumer Protection Kohima ajanga department shilem aser inyakyim indang rateta ashi.

Tim yimya nung shishilempatsü, asadanga shidak alitsü aser consumer temeden wazüka ayuba nung Legal Metrology & Consumer Protection yagi tongtipang shilem agir.

Weight and measures shidak amshitsü, shishilempaba nung tim masüba mapa inyakba nungi nokdangtsü aser consumer temi timtem ajurudang department-i yarir, ta pai ashi.

Department-i kaket reju balala aser NGOs kar den consumer rights indang awareness ayongzüka arur, ta pai metetdaksü.

Sentong nung Silo Jemu, Inspector, LM & CP Kohima menden liasü aser Fr. Panmei Innocent Liangkamang, principal, Don Bosco School, Kohima ajanga pela agizükba o jembir.

CENSUS 2027

NAGALAND



With over **6,100** officials, Census 2027 will reach every corner of our State



1,610

Villages



5

Census Towns



39

Urban Local Bodies



17

Districts

OUR CENSUS
OUR DEVELOPMENT



Scan for more details

Visit Today: se.census.gov.in



CensusIndia2027



“Your cooperation is vital. Together, let us ensure that every household is counted.”

Dr. Neiphiu Rio
Chief Minister of Nagaland

Tang nungi Tamil Nadu sorkari AC bus dang alitsü

New Delhi, Aami/June 30 (Agencies): Chief Minister C Joseph Vijay-i sorkar bus tasentem ajak nung AC facility alitsü tetuyuba agütsüba sülen Tamil Nadu sorkari air-conditioned bus tem dang alitsü, ta Transport Minister Vijay Tamilan Parthiban-i ashi.

"Tang nungi Tamil Nadu nung nüburtem AC bus tem nung dang senzütsü. Iba dak sendakba nung Chief Minister-i sorkar bus tasentem ajak AC facility aketba dang alitsü tetuyuba agütsüogo," ta Parthiban-i ashiba, Puthiya Thalaimurai-i metetdaksü.

Minister-isa, Chief Minister-i Tamil Nadu kübok kinük nung aliba tesemtem bus network agi sendaktepdaksüner, ta ashi.

Chief Minister Vijay-i anir state anti-drug marathon, "Start Run, Stop Drugs" asemogo. Iba marathon ya Chennai kübok Marina Beach anasa Kamarajar Salai nung asema liasü.

Arishi küm 52 tain chief minister-i, cabinet ministers Aadhav Arjuna aser P Venkataramanan, aser Chief Secretary M. Sai Kumar nung den km asemporngla asemogo. Marathon masem tsüngda Vijay-i temesepba mozü anema tenangzükba agiba ketdangsüa agi, aser iba sentong nung shilem agirtem dang temesepba mozü ajanga kibong aser medemer yongsü nung timtem adokba indang tangazükba agütsütsü mepeshia liasü.

Paisa, "Sports Edu, Drugs

Vidu" (Take up sports, give up drugs) banner nung sign süa liasü. Iba sentong ya Sports Development Authority of Tamil Nadu (SDAT)-i ayongzüka liasü.

Chief Minister-i tawa Ato Kilonser Narendra Modi den ajurutepe Mekedatu dam, angopurtem apuba aser Tamil invocation song ken o densema state dak sendakba ken o balala sensaksemogo.

Iba den bendenloksema Vijay-i Union Finance Minister Nirmala Sitharaman den ajurutepogo aser rongnendak, national highway, railway project aser industrial corridor tem atema senotsü teyari meshia tezüluba nung takhangba agütsüogo.

General Dhiraj Seth-i Army Chief mapa agizükogo

New Delhi, Aami/June 30 (Agencies): General Dhiraj Seth-i Mongolbarnü Chief of the Army Staff mapa agizükogo

Tangar dak memetaloki alitsü atema jenjang agiba aser arrtsü nung tetsüdaksü balala ajangshiba den tarutsü atema Army renema toktsütsü asoshi inyaktepba mapang Gen Seth-i sepai million 1.3 anitsü atema iba mapa agizükogo.

Pai General Upendra Dwivedi melenogo, shiba küm 40 tashi armed force nung tenzükba sülen Mongolbarnü mapa nungi anisüngzükogo.

Gen Seth ya National Defence Academy (NDA), Khadakwasla alumnus ka lir. Pa 1986 küm December ita Armoured Corps nung

commission asü.

31buba Chief of the Army Staff (COAS) maküm tsüngda pa Army Staff indang Vice Chief ama tenzükba liasü.

Army tekolak maküm tsüngda Gen Seth ya South Western Command (based in Jaipur) aser Southern Command indang General Officer Commanding-in-Chief liasü.

Küm 40 shi military tenzükba mapang pa operational, strategic, capability development aser institutional domains nung inyakogo aser Indian Army nem teyari tulu agütsüogo.

Pa April 1 nü Army Staff Vice Chief maküm tsüngda Pune nung amendaker aliba Southern Command tekolak liasü, aser pa lenisüba nung taoba küm Operation Sindoor mapang tongtibang shilem agiogo.

Maneni pa lenisüba nung Desert Sector nung Armoured Regiment, Western Theatre nung Armoured Brigade aser Jammu and Kashmir nung Counter-Insurgency Force ka inyaksangshiogo.

Pa ya Higher Command Course aser National Defence College graduate ka lir aser pa Paris nung Command and Staff Course-a agiogo, aser iba ajanga pai tawa tanü military inyakyimtem angatetba sayur, ta defence ministry-i ashi.

Opposition party 23-i SIR anema CJI dangi shiti zülü

New Delhi, Aami/June 30 (Agencies): Opposition party 23 aser Independent MP kati, Election Commission of India (ECI) indang Special Intensive Revision (SIR) aser tanga election ken o dak sendakba nung Chief Justice of India Justice Surya Kant dangi shiti ka zülüogo, ta Congress general secretary Jairam Ramesh-i Mongolbarnü ashi.

Iba jenjang agiba ajanga INDIA bloc yongtsü nung telungjem aliba sayur. CJI dangi yokba shiti nung Aam Aadmi Party (AAP) aser Dravida

Munnetra Kazhagam (DMK) nata dena lir.

X ajanga iba osang agütsüba mapang Jairam Ramesh-i, June 8 nü INDIA Janbandhan senden amenba mapang Chief Justice dangi shiti zülutsü atema mezüngbuba telemtetba agia liasü, ta ashi.

"Political party 21 aser Independent ka ta June 8 nü INDIA Janbandhan senden nung aden, kong Election Commission of India indang SIR inyakyim aser tanga election ken o atema Chief Justice of India dangi ajak longjemmer shiti ka zülutsü

telemtetba agi," ta Ramesh-i zülutsü. Paisa, "iba dak ajemdaker political party 23 aser Independent kati zluba shiti tanü Chief Justice dangi yokogo," ta shisem.

ANI-i ashiba agi, ken o tatsü talang asatepa sensak asema sülen INDIA bloc-i Aam Aadmi Party aser DMK naprongla anisemtetogo.

Party ana ya June 8 nü INDIA Janbandhan senden nung maden, saka Chief Justice dangi yokba shiti nungbo dena liasü.

Trinamool Congress MP Derek O'Brien-ia, shiti yokba

indang X ajanga jangshitsüogo aser ashiba agi, Aam Aadmi Party aser DMK napronglai Chief Justice dangi yokba shiti nung sign süogo.

Special Intensive Revision inyakyim dak sendakba nung tebilemtsü aliba lemsatepba den shiti nung Election Commission indang shilem aser tanga election dak sendakba ken o tem metetdaksüogo.

Congress aser tanga Opposition party aikati Election Commission indang SIR inyakyim indang joko mapang tatsüka ashishia arudar.



TIR YIMYIM YIMOBILEM (EDITORIAL)

DIMAPUR WEDNESDAY, JULY (CHITENI) 01, 2026

Smart yimti ya koda ?

Nagaland nung Kohima ya Naga nunger ajak atema yimtiba dang masü saka India nung Smart yimtitem rongnung ka lir. Smart City tetezüji Teyakyak yimti ta asenokibo angatetsüa akok . Aji oda, mezüngbuba nung 'smart city' agi smart citizens kümdaktsütsü asoshi iba smart yimti nung alirtem nungdak ajak jet jet ta metetpelatetsü, inyaktetsü aser ngutetsüsa internet aser electric power teti shitak aser peria alitsüla. Iba jagi yimti nung alirtem mapang aser senotsü amajok nung meindoki jet jet ta nungdak metetpelaa inyaktetsü. Iba nung jagi tenzüker, yimti nung alirtem senzusenpongba nunga tetsüdak melii jet jet ta oli aruli senzütetsüsa tetsüng agi jajartem asoshia yimti nung tetsüng lenmang tajung aser tesadem alitsüla aser gari lenmang mesüba agi garitem moutet nungdena yur moutetsüsa alilen dang masü saka azüklen dena gari lenmang tesadem tajung alitsüla. Aji oda, yimti tiyong nung nungdak malirtem asoshibo yimti mekentoka aoba lenmang yimti tezülen yimti paidokba lenmang alitsüla. Iba kisüng jagia yimti nung alirtem maparen ajak nung teyakyak kümadoktsü, kechiyong teyakyak yimti yangluba nükjidongji yimti nung alirtem teyakyak kümdaktsüner. Ajisüaka, item kisüng jagi smart yimti ka küma talangka moutetsü, kechiyong nisungtem dak pei yimti meimba aser merüka yunüba tangatetba shisatsü alitsüla. Aji oda, tangari dena smart yimtia ta yimti süngküm ajanga aitli reprangtetsüba yimti merüka topur junga ayuba 'smart' mapaji asütsü. Iba tangatetba nung yimti nung alirtemi pei pei kidang nungi bendenba janaona ajak jungjunga bendena tesem ka nung tzü moponga meraksai endoktsüsa 'smart' sa yimti nung janaona bendena endokba sentong alitsüla. Atangji, tanü putu nung tangarbo janaona agi tagitsü küma yanglur. Ibaji asenokia 'smart'-sa ajizüka inyaktsüla. Aji oda, yimti nung gari anendak, shishilembadak, anisüngzüka mena kazüdak, asayadak aser metsümeshidak tesem-tesem nung alitsüla. Item ajakji kodang yimti nung zep ta lidir, yimtiji telinütsüka asütsü aser nisungtem asoshi mapa inyadkak dang masü saka temang asoshia talidak tajung ka kümadoktsü. Aji oda, smart city ta asüba yimti nung ki tulu talang asüba yimti masü mesüra yimti nung lenmangbo majung aser temesü ser gari tajung senzübaji masü saka yimti nung alir ajak pei yimti agi nümadangteta topur-a tajung aser tzü moponga tajung ta yutetba agidang shitakba smart yimtiji kümadoktsü. Aji oda, yimti nung alirtemi pei kidang nungi internet ajanga anepdang shia yimti nung osettsüset aser chiyongtsü jenjang den mopong merükba aser menenba aser anü atsükba, temperature indang metettsüsa ketdangsertem inyakyim teyakyak asütsüla. Atangji, item ajakji yakyaka inyaktetsü asoshi smart government nungdaktsü. Smart government tetezü pei agitsü nung teyakyak masü mesüra smart yimti yanglutsü asoshi mapa lemozükba nung teyakyak masü saka alima nung tanga smart yimtitem ama pei yimtia yanglutsü asoshi smart tangatetba, temetetba aser shisatsü aliba smart yimsüsür aser ketdangser nungdaker. Kohima smart yimti yanglutsü asoshi sen crore 689 endoka inyakogo. Iba sen jagi yimti nung inyakbatem long jara kar aser naro marok kar yangluba angur. Iba denji kiojen tejen kar yanglushir südi. Item dakji alaka yimti nung alirtemi bendenba janaona dena meintoktet timtemba angur aser garibo tajung aika saka lenmangbo majung aser temesü asüba agi, gariji dang smart ashi, yangji amenertemji smart mesütet timtemba angur. Asenok ajak tia majung, India government-ibo asen yimti smart yimti küma yanglutsü sen agütsü saka asenoki asen yimti memeim aser nübertema memeim saka aseni asen dang meimba agi, asen yimti masü asenang smart akümtsü merandang, asenok ajak smart-bo smart saka shitaklen smart masü, meshitaklenang kanga smart kumogo. Aji agi, asenoka asen meyong smart yimti nung teshinem aser auyi agi teni nembanger senzür. Iba yimti jagi, bendanglen nungi medemer shiba dangbo arung asütsü?

OLEMSABANG

Ao agi "Tir" ya shir dang ajatsüla?

~ T. Meren Paul, Lower PR Hill, Kohima

(Yashi adok nungi...)

Asen Aor sobaliba-a arudang Chungliyimti lima alidang tebur asangurdem aonung ayipdak ki maka asüba agi tebur ajak sendena ayiptsü ki tulu ka asüh aser iba ki tenüng Senden Riju/Roju ta ajaba otsü angazüker. Meilungibo Yimpang aser Yimlang ki palala asüh, ano tesülenbo kin palala tenüng Pongen Riju ama nütsüng nüpo aser nungdak yari Arju/Aroju asühtsü tenzü. Tebur süngpo nungi kibong makumer ajak Arju nunger asünung yimden nungdak aser yim mapa ajak nung yimden/putui Arju nunger nübo asüngdangtsüsa akum aji oda Arju ji loktiliba aser yimdenren mapa nongeta tongti shilem agir sasep ka akum. Yimtsüng ka nung kiti ji Arju ki ji liasü. Kodang Arju ki asütsüsa kumdir ki tulu asütsü asünung süngkum dongnü aser kilem asoshi azü/sara aika nungdaka liasü, iba den apokatsüa yamaji nungdaka liasü. Ano Moatsü aser tsüngremmung amungdang yi asahtsü tsükdem agitsü nungdaka liasü anungji Arju aoshi tetangeter takataiter yokya sonü tulu akar aser kenshi oshier yimtsü yimbo ka par mepu mesüra kin nungi bushia Arju nunger tebu ayim aser pa dangji Arju Tir ta aja. Nokinketer taleptatsüngerji yimya agi takar masür kechiyong pa yimer asoshi anpong, süsü, arrkodong aser Arrshidang nübo ajak endoka jajar anungji alu inyaktsübo mapang peria maliba agi takar süjir mekumteter. Ajioda Tir ta ajabaji Arju nunger tebu dang ajar aser tetsürbo kodanga masür. Arju nunger tebu ayimer ashi tetsü ayimba mali aji saka Tir kinungtsüji Arju nunger tetsü.

Ao Senden mendenpuba dang Tir ta tenüng jatsübaji Arju nunger tebu masüaka Ao Sendenji Aor lokti tented tulutiba asübayong akumdong tenüng amshia Tir narokumji jalok südi, aji oda Watsü telok tentetia parnoka mendenpula dang Tir ta amshiba ngua yaküm kakat zülur tebu tedi P. Renthly Jamir-i Osang Kaketdem nung züluba züngshiogo. Iba ocetji azünger shirisa iba onük benzüka jembiogo shingaia osang kakat nungbo melemsatepi suiogo. Tawa ABAM-i Impur Football ground nem Dr. T. Ao tenüng waloktsütsü ayongzüka osang prokshidang tua Tebu tedi P. Renthly Jamir-i sa walokba indang rajema asenok nem shisatsü agütsüogo. Anungji nisung tenüng masü loktitentet nung nungmen tekalen shiyonga aruba den Watsü-i Tir ta amshiba ya tebur nungmen masü na? Mohandas Karimchan Gandhi shiba dang Mahatma Gandhi ta ajar pa nem Father of the Nation ta tenüng agutsü koba tetsüri ajatsü makok, yamaji Tir ji Arju nunger tebo tenüng anungji tetsüri koda ajatsü? Nisung tenüngbo kiburi dang nüma dangteterbo tejanüba ajar, Jesus ta kah jar lirnung koda. 1979 kum July 11 ayaterm nung NASA indang Skylap mazüokteti anüngtom nungi Indian Ocean nung tsüka ajasaba kasa mapang nung Punjab nung kibong ka nung tanur teburchanu ka aso aser tebu-i pa tenüngji Skylap Singh jatsü ta osang kakat nung adokba züngshiba bilemteter. Meghalaya nung Khasia nunger teburi tenüng mashi pari janüba ajar. Motor mechanics demi par tanur motor parts tenüng amshia Secondgear, Topgear ta ajar. Ni Shillong nung 1966 class IX nung azüngdang ozü class pur Kashi nunger küden menden ka nung amener ka tenüng Broom liasüba tanü tashi mamaer. Aji oda nisung tenüng tejanüba jaakah lokdi tesongtet menden/tebu tenüngbo Watsüi amshibaji shidak masü südi ta angateter.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Sri Lanka Khristan temi anti-dengue drive nung shilem agi



Colombo, Aami/June 30 (Agencies): Sri Lanka nung Buddhist nunger tamangba yimsü benjong ka mapang nüburtemi Dengue tashidak azüoktsü mechi maparen balala inyakba nung shilem ka ama Buddhists, Khristan aser nüburtemi mürekmeju sentong ka nung shilem agia liasü.

Iba asetkong linük nung June 29 nü Poson Poya benjong amungdang Khristanpur aser tangartemi tekülem ki, yimdong aser angati agütsüba food stalls nungi plastic bottles, chiyongtsü amshiba containers, shopping bags aser tanga jana bendena jaja liasü.

Iba benjong ya June ita 'full moon day' nung amunger, koba Sri Lanka nung Buddhism tenzükbä bilemtetba anogo ka lir. Ibai Sri Lanka nung Buddhist yimsü amangertem atema Vesak sülenbo benjong tongtipangtiba ka lir.

Tamangba yimsü balala lungjemer mürekmeji mapa inyakba ya Aedes merila

apokba tesem samatsütsü nükjidong nung lir, koba ajanga dengue virus menaloktsür.

Sri Lanka nung küm tenzüker mezüing ita trok tsüingta dengue cases 51,000 dak tema aser tasüba 28 liasü, ta sorkari indang data ajanga ashir.

Iba anogo shilem agirtemi tekülem ki semdanga temeshi ainlen jajartem dang iba tashidak nungi jenbua alitsü asoshi ashi, kechiaser Sri Lanka nung iba tashidak pokteta azüoktsü mokoki lir.

Iba benjong mapang Buddhist yimsü amanger million aikati linük yimtiba, Colombo nungi kilometer 220 shi pilar Anuradhapura nung Mihintale tenem semdanager. Anuradhapura ya akhi alemli mapang Sri Lanka yimtiba liasü aser iba ya Buddhism yimsü pokttdak tesem ka ta züingshir.

Catholic nunger aser Mihintale nung Rajarata Environmental Club chairman Ruwan Fernando-i anir activists 15-i iba anogo tesem balala

nungi plastic bottles aser marok tem juli 50 dak tema sünga bendena liasü.

Ketdangsür temi tamangertem dang yimti memenentsü ayongzükbä sülen tesüiba küm tem dang tera tajemba jana liasü, ta Fernando-i UCA News dang ashi.

Tamangba yimsü indang rejutem, kaket reju aser nüburtemi amshiba tesem nung merila poktetba tesemtem health ketdangsür temi jangjatetba sülen iba mapa inyaktsü lemtet ta pai ashi.

Kurunegala nungi Anglican Christan, Rasmika Thusara-i ashiba agi, tamangba yimsü balala nungi tentetba telok nung züingsem 20-i Mihintale leni aoba lenmangtem nung plastic bottles aser jana tem bendena liasü.

Dengue poktetba sülen Sri Lanka nung aliba arogo temi plastic jana bendena, kilentsü aoba lenmangtem müreka tzü atsüngtena aliba tesemtem nung oa tzü mesüdokba mapa inyaka arur.

ANOGO ABEN TSÜNGREM DEN

Tenüingsang Agütsüba Teinyaktsü T.Ken 113:1-9

"Kibuba tenüng, iba mapang nungi aser teti tatem maka temoatsü süang. Anü dok nungi anü lu tashi Kibuba tenüng sanga alitsü" (t.2,3).

Item tekong yagi asenok teinyaktsü indang ashir. Mezüingbuba, asenoki Tsüngrem tenüng asangtsüla. Kodang asenoki Kibuba tenüng asangtsü amadokdir lendong lir ta metettang. Shibai anü adokba tobur tajung mesüra anü aiba tobur tajung, tebur tajung metsü tsüngküm anogo mesüra tobur tajung asükwa tsüngküm yanglu, Pa tenüng mesangi itemji pelaa agizüktsü? Asenoki Tsüngrem tenüng asangtsü tetemsü, kechiaser Pai asenok asoshi mapa tulu inyak.

Ano ken züluri anogo ajak nung Tsüngrem tenüng asangtsü ashir, "Anü dak nungi anü lu tashi Kibuba tenüng sanga alitsü" (t.3). Anepdang Pa tenüng sangang. Anogo süidang Pa tenüng sangang. Anüngdang mapa tajung asoshi aser mapa tasak asoshi Pa tenüng sangang. Tia ajak ajanga Pai na reprangba asoshi Pa tenüng sangang.

Asenoki ano alima ajunga nung Pa tenüng asangtsüla- anü adok nungi anü lu tashi jajaba ama. Aikati Kibuba memeteti alir, aikati Kibuba Yisu tekümtet mangatet lir. Parnok asoshi kechi inyaktsü? Asenok alidak nungi kuli asüba ajanga tenzükdü. Asenoki sarasademdi aser agütsüdi. Missionarytem asen teyari nüngdaker. Tsüngremi osang bener Bendang limai na yoktsü akok. Tsüngrem tenüng sanga pei ataba mapa inyakdi.

Ne nem Pa tenüng asangtsü maongka agütsüba nung ne teinyaktsüa dena Tsüngremi ne nem agütsür. Iba kuli nungi na kodanga jena tuo. Nai Pa tenüng asangba agi anogo tepiyong aser alima ajunga süngdakjang. Na anogo shia jajaba nung Kibuba tenüng asangbaji shilem ka kümdaktsür asü ?

Chhattisgarh nung yimdakliri amokmerenba sülen tamangertem ajen

Raipur, Aami/June 30 (Agencies): Chhattisgarh state nung Narayanpur district kübok tribal nisung temi amshiba yimsü yutsür Khristan yimsü agizüka amshiba mechi school-i aor tanur pezü densema tribal kibong ka pei kidang nungi mindokba sülen arem ka nung jenoka lir.

Todohur yimtsüing nung parnoki Khristan yimsü agizüka amangba mechi yimdakliri temi amokmerenba sülen June 28 nü parnoki pei ki yutsür jena ao, ta iba kibong nung tekolakba Ray Singh Karanga-i ashi.

"Onoki tangsa ki yutsür mora timtem agütsütsü ta yimtsüing nung tashi tait aser sentsü aliba nisung kari amokmeren, anungji tetsübo nung takum kumzüksü mechi ozü ki yutsür ao," ta Karanga-i UCA News dang June 29 nü ashi.

"Kü kinungtsü aser ozü tanur pezü koleni aotsü mejangja, aser tanurtem ya school balala nung azünger," ta pai ashi.

"Onok temulung memeyipaka onoki Khrista dak amangba mechi onok yimtsüing nungi mindok," ta pai ashi aser police nem ken o agütsütsü

sentong lir ta ashi.

"Ozü school tenzükogo aser onok oa medenteter," ta par jala class 10 nung azünger kati ashi aser parnok yimtsüing nungi mainshidang kaket aser school uniforms tem memeshitet ta ashi.

"Onoki kechi inyaktsüra memetet," ta tanutsülai ashi.

Medemer kati arem bushia chiyongtsü bener arutsüba sülen parnok chiyonga liasü. Parnoki yimjak nung Khristan yimsü yutsür ta mesangdong tashi par yimtsüing bushia motettsü, ta Karanga-i ashir, koba parnoki inyaktsü memulunger.

Bharatiya Janata Party-i yimsü asüba state nung taoba mapang "untouchables" ta ajaba Dalits aser lisopur nisungtem Khristan yimsü agizüker mesüra yimya amshirtem dak Hindu nationalist teloki tenük yokba nung Karanga'er kibong ya tesüsaba alitsü.

Parnoki Khristan yimsü dangi meyiper alirtem tanaben tejen yimsü mesüra Hinduism dangi meyipdaktsütsü meranger.

"Kasa police station kübok meta talang nung aliba yimtsüing ka nungi tamanger nisung 13 shi June 27 nü mindok aser parnok yimsü tasenba metoktsü tashi meyipa meshilangtsü ashi," ta Bharanda yimtsüing nungi Guddu Ram Kumeti-i ashi, shiba Khrista dak amanger saka yimsü ano memelen ta ashir.

"Yangji aliba police temi teyari peria magütsüba sülen item kibong ya Narayanpur district headquarters nung oa jenoka lir," ta Kumeti-i UCA News dang June 29 nü ashi.

Yimdakliri akhangba ama Khristan yimsü metoktsüra mindoktsü ta kibong 26 dang ashiba rongnung par kibong dena lir, ta Kumeti-i ashi.

"Khristan yimsü sülen anidakba mechi June 23 nü pei kidang nungi nisung 100 dak tema mindokba rongnung tetsür aser tanurtem dena lir," ta pai ashi.

Mezüingbo Khristanpuri tekong meranga nokda, saka tatem nung parnok kidang nungi mindok aser süngtongzüing nung jenoka alidang police aser ketdangsürtem arua parnok meiner ao.

"Onok nem ita ka mapang agüja lir, aser iba mapang onoki Khristan yimsü toktsütsüla, mesüra yimtsüing nungi teti atema ainshitsüla," ta Kumeti-i ashi.

Pai ashiba agi, parnoki local police aser district police chief nem ken o agütsü saka osang kecha mali.

"Onok item yimtsüing nung putu aika lia aruaka police temi onok amokmerener anema inyaktsü memulunger," ta pai ashi.

"Onoki kechi inyaktsüar onoki memetet. Yimtsüing nung onok ki, alu aser kiset shiruru, onok sen aruba lenmang ajunga agi aji lir. Onoki maneni sarasademer aser Tsüngremi onok yaritsü ta amanger," ta Kumeti-i ashi.

"Tamangba yimsü mechi tribal aser Dalit nisungtem ajemzüka yoktsü merangba onoki anema nokdaktsü," ta communist lenir aser okatsür Phool Singh Kachlam-i ashi.

"India ya constitutional democracy lir aser pei mulungba yimsü amangtsü nüburtem temeden lir. Sorkar densema shingiaia yangji totuyuba magütsütettsü," ta

Kachlam-i Hombarnü UCA News dang ashi.

Pai ketdangsürtem dang Khristanpur tesem balala nung jenshidaktsütsü melena parnok takum aser rongsen kumzüka ayutsü ajungshia liasü.

2022 küm tiyonglen Khristanpur anema azüdokshiba sülen Narayanpur aser Kondagaon district tem nungi lisopur Khristanpur 1,000 dak tema pei ki yutsür jena ao.

Iba sülen Chhattisgarh nung yimya balala nung Khristanpur anema inyakba maneni ataloka arur. Aiben parnok lokti nungi züngdoker, nüburtemi amshiba tzü magütsür, leper nung tasü mang aremba nung timtem agütsür.

Chhattisgarh nung 2024 küm Khristanpur dak tenük yokba lendong timtem 165 ataloka liasü, koba Indian states nung jenjang tanabuba alitsü, ta New Delhi nung aliba Christian rights group the United Christian Forum ajanga ashir.

Chhattisgarh nütsüing yongsük 30 million shi aliba nungi Khristanpur shilem ana majung lir.

Tir Yimyim

* Tangalenbo yinscū ya lenmang yangluba mapa nung amshir.

1. Aruli, 3. Balala, 5.Suwar,
6. Belem, 9. Sūjak, 10.Aonung,
11. Dokan, 13. Tinu.

Gujarat nungi arishi kûm 8 tain Takshvi Vaghhani-i Guinness World Record tasen ka yangluogo aser iba ya 'lowest limbo skating' atema lir. Takshvi-i 10 metres tashi 16 centimetres tekûpok limbo skating asûba ajanga otsû tasen yangluteta liasû.

March 2024 nunga lai lowest limbo skating over 25 metres atema Guinness World Record ka yangluteta liasû aser tang agi tanabenbuba alima otsû tasen yangluogo.

Mizoram Governor, General (Dr) Vijay Kumar Singh (Retd)-i June 29, 2026 nû 20th Battalion Assam Rifles nem Governor's Unit Citation agütsüdüng agiba noksa ka angur. Durbar Hall, Lok Bhavan nung Investiture Ceremony ka agidang Mizoram Governor-i Assam Rifles nem iba naroküm agüja liasü.

Principal Director
Directorate of Health & Family Welfare
Nagaland; Kohima.



GOVERNMENT OF NAGALAND

DIRECTORATE OF HIGHER EDUCATION

NAGALAND, KOHIMA

www.highereducation.nagaland.gov.in

dir.highedu@gmail.com



DEPARTMENT OF HIGHER EDUCATION

Government of Nagaland

NO.HED/SCHO/MISC/36/2025/304

Kohima, dated the 30th June 2026

CORRIGENDUM

This is to inform all the Educational Institutions and Students that the timeline for the State Merit & Research Scholarship 2026-27 notified earlier vide letter No. HED/SCHO/MISC/36/2025/283 dated the 26/06/2026 has been rescheduled. This reschedule of date is necessitated in view of the integration of Aadhaar Payment Bridge (APB) in the Common Scholarship Portal as mandated under DBT Scheme. The rescheduled timeline is given below: -

FOR STATE MERIT & RESEARCH SCHOLARSHIP

PROCESS	Timeline
Registration & Application submission for the students	1st August 2026 till 31st October 2026
Completion of verification by the Institutions	Till 30th November 2026
Submission of Hardcopy applications and documents by Merit applicants studying outside Nagaland and by all Research applicants.	Till 30th November 2026.

Sd/-
Director
Higher Education
Nagaland: Kohima

OFFICE OF THE CHIEF ELECTORAL OFFICER

NAGALAND: KOHIMA

Email: ceo_nagaland@eci.gov.in

No. ELE/MEDIA-4/2026

::

Dated: Kohima, the 30th June 2026

ADVERTISEMENT

The Office of the Chief Electoral Officer, Nagaland invites proposals from reputed and experienced Social Media Management Agencies/Companies for providing comprehensive social media management services to enhance voter awareness, public outreach, and dissemination of election-related information.

The selected agency shall be responsible for creative content development (graphics, infographics, short videos, reels and animations), management of official social media handles and other related digital communication services.

The agency should have proven experience in providing social media management services to Government Departments, Public Sector Undertakings or other reputed organizations, supported by an experienced team of professionals.

Interested agencies may submit their technical and financial proposals on or before 10th July, 2026.

The Chief Electoral Officer, Nagaland reserves the right to accept or reject any or all proposals, without assigning any reason whatsoever.

For further details, interested agencies may contact the Office of the Chief Electoral Officer during office hours.

Contact: 0370-2999084

e-Mail: ceo_nagaland@eci.gov.in

Sd/-
(BHAGYASHREE BANAYAT, IAS)
Chief Electoral Officer, Nagaland.

DR Congo nung Ebola tashidak keta alir 1,307 jangjaogo

Kinshasa, Aami/June 30

(Agencies): Democratic Republic of the Congo (DRC)-i ashiba agi, linük nung Ebola tashidak menar alir 1,307 jungogo aser nisung 377 süogo.

Hombarnü sangdong ka ajanga ashiba agi, tashidak menar alirtem ya Ituri, North Kivu aser South Kivu province tem nungi lir.

AFP news agency-i, tashidak ya province pezübuba nung putetogo, ta metetdaksüba sülen iba osang ya agütsüogo. DRC indang National Institute of Biomedical Research (INRB) nungi source kati ashiba agi, viral haemorrhagic fever ya Haut-Uele-ia prokshiaogo, koba South Sudan aser Central African Republic den arrtsü nung lir.

Source-isa, tashidak menar aliba nisung ka Ituri yimtiba Bunia nungi Haut-Uele-i aoba sülen iba tashidak nisung kar dak putetogo, ta ashi.

Iba nisungba ya süogo, ta tanga source kati ashi.

Ketdangsürtemi tang tashidak menatepyonga aoba tera jangja-a shirnoksa tashidak agi menar alirtem den ajurutepogo parnok jangjatsü merangdar.

Haut-Uele-i iba tashidak prokshia aoba tetezü DRC northeast ajunga lendong nung lir, kong nütsüngyongsük million 15 shi lir.

Ituri ya taküm Ebola tashidak poktetba tesem teyongtsü lir. Ituri nung May 17 nü mezüngbuba tashidak puteta liasü. Tashidak ya asüpila sentongtem nung prokshia aoba aika lir, kong Ebola agi asürtem tasü mang anepalua liasü.

Hopta aika local temi tamang makatetba ajanga tashidak pokteter aliba tesemtem nung tasü mangtem kanga junga anepalua aremtsü atema timtema aruogo.

DRC nung asüpila sentong ya yimya agi anogo tenet agir, aser iba mapang kinunger aser medemertemi tasü mang dak kongshir.

Ituri province kübok Rwampara nung tashidak anepaluba tesem ka nungi Al Jazeera osangbener Catherine Wambua-Soi-i ashiba agi, health worker tem ket nung equipment teperi mali.

"Item centre tem ya aiben makogo. Taoba ita lokti kati sükitem rongtokja liasü. Congo nunger kari parnok nem teyari agütsürtem dak tang tashi tamang makateter," ta lai ashi.

"Parnoki protective gear, mozü, rapid test kits aser tasü mang enoktsü atema julitem tali nüngdaker," ta laisa shisem.

Honibarnü sorkari linük yimtiba Kinshasa densema province pezü nung lokti adenshiba sentongtem atema tenokdangba agütsüogo.

South Africa nung migrant tem anema longkak ait

Durban, Aami/June 30

(Agencies): Mongolbarnü South Africa kübok tesem balala nung anti-immigrant march atema linük wako aser süng bener nüburtem aika adenshia liasü. Tesem kar nungbo mangatettep adokba osang angazükogo aser kasa mapang nung dokantem shibanga ataba den bendanger mapa inyaktertem pie ki metoktsü liasü.

Africa kübok tesem balala nung bendanger meyrejang aika longkak aitertemi Mongolbarnü tashi mapang atazüksüba metembang tsünga linük toktsür jenaogo. Longkak aitertemi kuli kakat shitak malirtem linük toktsür aotsü atema mapang atakzükja liasü.

Johannesburg aser Durban yimti nung longkak aiter noklang aika police-i repranga aliba mapang South Africa indang wako aser süng bener yimtung süa senzüa liasü.

"Nüburtem mapa maka, parnok mapa ozünga alema arua aliba bendangertemi agir. Iba ya tim masü," ta longkak aiter Silindile Xaba-i ashi.

Migrants temi mapang

atazüksüba ya amokmeren ka ama agia liasü. Anogo tom tashi nung tesem kar nung mangatettep adok, saka tesem timba ka nung yimjung nung dang agiogo. Police-i ashiba agi, parnoki rakzükkrakdemer kar puogo.

Thembisa nung longkak aitertemi police aser ozünga alema arur alir asütsü ta temulung melemi bilemer dak long onloktsü aser central business district anasa prangbong akhaba ola angashiogo.

Daily Maverick osang kakat sangdong ka ajanga ashiba agi, police-i tactical vehicles yok aser longkak aiter 500-i amokmarenba sülen Johannesburg kübok Benoni nung injang khalokja liasü.

April ita nungi longkak ait tenzükba sülen tang tashi nung nisung pongu süogo aser nisung meyrejang aika mintokba den shishilemba balala aser kiojentem raksatsüba nguogo.

Kasa mapang nung Durban aser Johannesburg nung ali kiburtemi parnok kitem raksatsütsü tsübua bilemba ajanga bendangertem ozünga alema mintok tenzükogo, ta tenük kuli agütsürtemi ashi.

US-Iran tezüngzüktep atema Qatar inyakyim nung teimla mangur

Doha, Aami/June 30

(Agencies): US ketdangsür Doha nung arua alirtemi Iran den senden mamentsü, ta Qatar ketdangsür kati Mongulbarnü ashi, anungji Iran rara nung yimjung alitsü aser Strait of Hormuz tanaben jungjunga lapoktsü merangba nung terenlok aliba majiteter.

Regional security densema ken o balala tan hopta technical yimya nung jembitsü aser khen lir ibaji senior level-i ajungkettsü, ta Qatar indang Foreign Ministry odongtar Majed Al Ansari-i osangbener dang ashi.

United States aser Iran tsünga June 17 nü interim agreement ka zülutepa aliba tendanga hopta tatemlen khatepba sülen US Tir Donald Trump'er apang Jared Kushner aser envoy Steve Witkoff na Mongulbarnü Doha tonga aru.

Point 14 tezüngzüktep ajanga linük ana tsünga teti rara anena alitsü atema jembitsü asoshi anogo 60 züngzüksü, koba US aser Israel nati February 28 nü Iran amakba ajanga tenzük aser ano Iran indang nuclear programme densema ken o tesü kar angatetteptsü dena lir.

Iba rara yagi alima nung totzü aser tanga oset shishilempaba nung tetsükdaktsü agütsü aser Iran indang drone aser missile ajanga Gulf linüktem nung nisung meyirijang aika tepset.

Iranian Foreign Ministry spokesperson Esmaeil Baghaei-i ashiba agi, Iran nunger rongsen soita aliba salatsü densema interim deal mapa kuma

inyaktsü atema odongtar Qatar den Doha nung Bodhbarnü jembitsü amai lir.

"American tsütsü den senden amentsü sentong kecha mali," ta pai ashi.

Hombarnü White House-ibo Kushner aser Witkoff na "high-level meetings" nung adentsü aser kasa mapang technical jembishinü maneni alitsü ta shia liasü.

Ajisüaka technical jembishinü atema mapang tejangja ano memetet.

Ita pezü tejakdang rara tenzükba sülen strait ajanga rong senzüba anena liasü, kong rara metenzükdang alima nung totzü aser liquefied natural gas shilem 20 shi bena liasü.

Tang Iran-i iba strait ya azüoktsü meranger aser iba tesem ajanga senzüba rong tem dang sen meshitsü aser parnoki lazükja aliba lenmang alema oa senzüba rong tem nokdangtsü sentong lir ta ashir.

Strait nung tejangraba wazüka ayutsü asoshi kechi nüngdaker, aji Tehran-i inyaktsü, ta Baghaei-i Mongulbarnü ashi.

Iran-i strait nung shishilempaba rong ana dak missiles aser drones amshia amak ta taoba Brehostibarnü nungi US-i tai tonglokja arur aser iba yongji Iranian military facilities nung bomb pokloktsü.

Iran-ia meyipar Deobarnü Kuwait aser Bahrain nung US mitkar aliba tesemtem nung missiles aser drones khalokja, ceasefire raksar ta kati ka aija arur.

FIFA WC: Brazil, Paraguay, Morocco round of 16-i iogo

Aami/June 30, 2026 (Agencies): 2026 FIFA World Cup nung Brazil team mezüngbuba knockout asaya nung Japan den asaya aser Houston nung kanga meranga asayaba sülenang parnoki asaya goal 2-1 agi kokogo.

NRG Stadium nung fan 68,777 jakdang asayaba mapang Casemiro-i minute 56buba nung Brazil asoshi goal ka idakja Japan-i goal idaktsür aliba küptok aser iba sülen mapang apuloktsür asayadang Gabriel Martinelli-i tanabuba goal idakja parnoki asaya akok.

Küm 88 tsüingda tang mezüngbuba Brazil team-i FIFA World Cup knockout asaya ka nung asaya mekoki aliba nungi meyipa tur asaya kokogo.

Asaya nung mezüngbuba goal ya Japan atema Kaishü Sano-i minute 29buba nung idaktsü. Linük ana asaya ya Brazil-i amokbanger asaya, saka Japan team-i kanga junga defend asüba ajanga goal magütsüteti asaya tur Casemiro-i Brazil atema mezüngbuba goal idaktsü aser goal kasasa nung asaya

tembangtsü akok ta bilema aliba mapang Martinelli-i minute 90+5buba nung tanabuba goal idakja parnoki asaya kokogo.

Knockout asaya tanga ka nung WC pezüben koker aliba Germany team Paraguay-i tsükdaktsüogo.

Atakzükja aliba mapang aser mapang apuloktsür asayaba sülen team ana yagi goal kaka dang idaktsüba sülen penalty metsütep, koba Paraguay-i 4-3 agi koka liasü.

Penalty metsütepba mapang Germany atema Kai Havertz, Nick Woltemade aser Jonathan Tah nungeri goal magütsütet. Kasa mapang nung Paraguay atema Antonio Sanabria aser Fabián Balbuena natia goal magütsüteti liasü.

Iba asaya masüdag Germany team FIFA World Cup nung penalty shootout nung khien danga tamakok ngur maliasü.

Asaya nung mezüngbuba goal ya Julio Enciso-i Paraguay atema idaktsü, saka Kai Havertz-i minute 54buba nung Germany atema goal ka idakja kasasa aküm.

Asaya atemtsü lia Jonathan Tah-i goal ka tongoktsü, saka VAR asadangba sülen goal keeper dak foul menaba nguteta iba goal magi aküm.

Maneni round of 32 asaya nung Netherlands aser Morocco na penalty metsütepba sülen Morocco-i asaya koka parnok round of 16-i iogo.

Asaya nung team anapronglai goal kaka dang agütsütetba sülen penalty metsütepba ya Morocco-i 3-2 agi koka liasü.

Asaya ya mapang talangba ka Morocco-i amokbanger asaya aser goal idaktsütsü asoshi maongka nguteta liasü, ajisüaka asaya tembangtsü minute 20 dang anunga lia Cody Gakpo-i Netherlands atema goal ka idaktsü.

Goal ka yagi Netherlands-i asaya akoktsü akok ta bilema aliba mapang Issa Diop-i Morocco atema minute 90+1 nung goal ka idakja extra time aser iba sülen penalty asayatsüsa aküm, koba parnoki koka liasü.

Morocco team round of 16 nung Canada den asayatsü.

Asian Games atema India tetsür Squad sangdongogo

Aami/June 30, 2026 (Agencies): Harmanpreet Kaur lenisüba nung India tetsür team taruba Asian Games asayatsü. India team tawa Women's T20 World Cup 2026 semi-finals atema qualify mesütet aser iba sülen Kaur ya aikati aija liasü.

Ajisüaka Mongolbar anepdang tetsür Selection Committee-i olulu osang ajak sentoka toktsür Asian Games atema la tetsür team captain asütsü shimogo.

"Tetsür Selection Committee-i 2026 Asian Games atema India squad shimogo, koba Aichi-Nagoya, Japan nung September ita asayatsü. India tetsür team-i Hangzhou, China nung taoba Asian Games asayaba mapang tetsür cricket asaya kokogo, aser parnok defending champions ama taküm iba asayamung nung asayatsü" ta BCCI-i sangdong ka ajanga metetdaksü Smriti Mandhana vice

captain asütsü aser Shreyanka Patil-a team nung züngoksemogo. Ajisüaka la temang kanga junga aküm nung dang asayatetsü.

Women's T20 World Cup nung Harmanpreet-i asaya pongu nung run 141 yanglu. Lai Australia den asayaba mapang run 56 yanglu, koba la asoshi asaya ka nung run timtiba liasü.

Asian Games masaya tsüingda India team England den Lord's Cricket Ground nung July 10 nü nungi tenzüka Test ka asayatsü.

2026 Asian Games atema India squad:

Harmanpreet Kaur (Captain), Smriti Mandhana (Vice-Captain), Shafali Verma, Jemimah Rodrigues, Deepti Sharma, Richa Ghosh (WK), G. Kamalini (WK), Bharti Fulmali, Sree Charani, Renuka Thakur, Kranti Gaud, Arundhati Reddy, Shreyanka Patil (Subject to fitness), Radha Yadav, Nandni Sharma.

Lewandowski MLS club Chicago Fire nung denogo



Aami/June 30, 2026 (Agencies): Robert Lewandowski Major League Soccer club Chicago Fire nung küm ana atema denogo.

Arisihi küm 37 tain Poland nunger striker ya La Liga nung Barcelona nungi season pezü asayaba sülen tang Chicago Fire nung denogo.

Fire den külemi pa AC Milan aser Saudi Pro League-ia alizüktsü asoshi tejangraba liasü. Pa ya MLS nung sen timtiba aazükba asayar akümtsü imlar.

Pa iba club nung adenba ajanga Chicago yimti nem teyari agütsütsü imlar, kong Poland adena or Poland nunger timba lidar.

Fire pur taküm MLS Eastern Conference nung tasembuba jenjang nung lir aser parnok taoba season mezüngbuba play-off nung asaya liasü. World Cup break sülen parnok July 17 nü mezüngbuba asaya Vancouver den asayatsü.

Director of football aser head coach Gregg Berhalter-i Lewandowski den tenangzüktepba yangluba indang metetdaksüogo. "Pa aruba ajanga onok takok maroktem atema tokteptsü tejangraba aliba akangshitsütsü aser club jenjang kanga junga kümdaktsütsü," ta pai ashi.

"Pa den inyaksü aser pa ya kechiba alima nung asayar tajungtiba ka ta züngshir aji

Chicago nung alirtem nem reprangdaktsütsü matateter," ta paisa shisem.

Lewandowski ya Germany nung Borussia Dortmund aser Bayern Munich nungi season 12 asaya aser iba mapang league title 10 aben aser 2020 küm Bayern puri Champions League akokba nunga pai teyari tulu agüja liasü.

Pa ya 2020 küm Ballon d'Or akoktsüpur rongnung temaba jenjang nung liasü, saka Covid-19 wara poktetba ajanga iba naroküm magütsü.

Pa 2021 küm Ballon d'Or voting nung tanabuba jenjang nung tembang aser 2020 aser 2021 küm Best Fifa Men's Player Award nguogo.

2022 küm Barcelona-i aoba sülen pai La Liga title asem aser 2025 Copa del Rey kokogo. Pai asaya 193 nung goal 120 idakja liasü.

Ajisüaka pa yiruba ajanga taoba season bo league asaya 17 nung dang asaya liasü.

Pai club toktsüba sülen Barcelona-i Newcastle winger Anthony Gordon den küm pongu atema tenangzüktepba yangluogo aser Manchester United nungi Marcus Rashford teti atema alizüktsü atema jenjang agitsü akok.

Osang ajanga ashiba agi, parnoki England striker Harry Kane-a alizükner, shiba Bayern Munich den tenangzüktepba yanglur aliba tembangtsü küm ka danga anunga lir.

Henriques T20 World Cup qualifiers Portugal nungi asayatsü

Aami/June 30, 2026 (TYO): Taoba mapang Australia nunger all-rounder Moises Henriques-i August ita taruba T20 World Cup qualifiers nung pa asoba linük Portugal nungi asayatsü telemtetba agiogo.

Cricketer asayar tejen yagi Portugal nungi pa indang international career tenzüksütsü telemtetba agiogo. Pa ya Portugal nung aso aser tanur asüdag Australia-i oa liasü.

Arisihi küm 39 tain asayar yagi Australia tenüing nungi format ajak nung asaya 44 nung asayaogo. Ajisüaka pa 2021 küm nungi Australia tenüing nung masayai arudar.

International jenjang nung asayatsü asoshi maongka aikabo manguba sülen Henriques-i Portugal nungi asayatsü telemtetba agiogo, shirnok 2028 T20 World Cup atema qualifiers nung asayatsü lir.

Portugal pur campaign ya Finland nung European sub-regional qualifier nung asaya-a tenzüksütsü, koba 2028 T20 World Cup atema mezüngbuba qualification asütsü. Iba World Cup ya Australia aser New Zealand na nung asayatsü.

Asayar ka Full Member nation nungi Associate nation ka tenüing nung asayatsü asoshi küm asem tashi stand-down

period ka International Cricket Council-i atakzükja aliba tembangba sülen Henriques ya Portugal nungi asayatsü temsüa kümogo.

Moises Henriques ya Australia nunger rongnungi domestic aser franchise cricket nung takok tajungtiba ngua asayaba asayar ka lir, aser pai Australian domestic cricket, Big Bash League, Indian Premier League, aser Champions League T20 nung title 11 tashi kokogo.

Pa Sydney Sixers nungi kanga takok ngua asayaogo. Sixers puri 2011-12 nung mezüngbuba BBL akokba nung pai tongtibang shilem agi aser iba sülen pa lenisüba nung par team-i 2019-20 aser 2020-21 season nung championships atonga kokogo. Henriques-isa, Sunrisers Hyderabad puri IPL 2016 title abenba mapang tongtibang shilem agia liasü.

Franchise cricket dak alia Henriques-i ani New South Wales nungi domestic trophy pongu kokogo, kong 2013-14 Sheffield Shield akokba, One-Day Cup title asem abenba aser 2008-09 KFC Twenty20 Big Bash akokba densema lir. Paisa, New South Wales (2009) aser Sydney Sixers (2012) nungi Champions League T20 anaben kokogo.

BILEMDANGANG

"Peisasa mazüoktetertemi tangar koma azüoktsü."